



01. marts 2024

UPA2024/77

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Ilisimatusarfimmi Ilinniartitsisunut, Perorsaasunut aammalu Isumaginninnermut Siunnersortinut ataatsimut kandidatinnngorniartissamik Naalakkersuisut pilersitseqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Najaaraq Møller, Siumut)

Tungavilersuut:

Ilinniartitaanerup silarsuaa ukiorpanni inerisarneqartuartarpoq, tamanna immini peqqinnarpoq, ilinniakkammi arlallit Nunatsinni pigilernerisigut pikkoriffiit arlaqartut pigilernikuuagut. Ilinniakkat aallarteqqaarmata ajoqissatut ilinniarneq, kingunerisaanillu Ilinniartissuaqalerneq kisiartaallutik toqqagassaasarsimapput.

Ullumikkut Ilisimatusarfimmi inulerinnermi, perorsaanerme, ilinniartitsinnermi, peqqissaanerme upperisarsiornermiluunniit pineqartuni, kandidatimut ingerlariaqqiffissaqanngilaq. Humanioralerinnermi inuiaqatigiinni qaammaasat annertusisarnissaat pisariaqarluinnarpoq, assersuutigiinnarlugu ilinniartitaanerup iluani kandidatimi tassanngaanniillu ingerlariaqqittuni ilinniagallit nalilersortarpaat misissorluarlugu, ilumut alloriarfinni misilitsissutit tulluurtuunersut, atuartitaanerup pitsaassusaa allarpasuillu. Ilinniartissuaq immini naammangilaq, taamatuttaarlu ilinniakkat sinneri taakkartoriikkakka allat, Nunatsinni professionsbachelorinnarmut killittarneri naammakkunnaaqapput.

Ilisimatusarfimmit oqariartuutigineqarpoq ilinniartut ilai professionsbacheloritut naammassisut kandidatimut ingerlaqqinnissaminnut tulluurtaraluaqisut, amerlasuulli Danmarkimukarnissartik ornigineq ajoramikku ingerlariaqqinngitsuuginarlutik ilinniartitsisutut atorfiniinnanngikkaangamik arlaannut atorfimmuut ingerlaqqittartut. Ilinniartitsisussaaleqinnermi immini ajunngikkaluarpog ilinniartitsisutut sulilertarnerat, kisianni Nunatsinnut uggornarpoq ilisimatussutsikkut silarsuarput taava pitsaasumik immersunngitsuussagatsigu. Immaqalu siunissami ilinniartitsisunik pitsaanernik peqalernissaq ungasillisaannartarlutigu.

Ullutsinni inuiaqatigiinni inulerinnerup silarsuaani pikkorinnerulernissarput ilisimasaqarluarnissarpullu noqqaassutigivarput. Taamatut noqqaanitsinnik socialrådgiverisut ilinniagalinnik arlalinnik pisariaqartitseqigatta siorna akuersaarparput.

Eqqartunngilarput ilisimasap annertusisarnerani aaqqissuussaannikkut pitsaanermik eqqarsalersinnaaneq qanoq isikkoqarsinnaanersoq. Kandidatimut ingerlaqqinnermi inuiaqatigiit aaqqissuussaanerit itinerusoq



sammineqartarpoq, taamaalilluni inuiaqatigiinni ingerlaaseq, aaqqissuussaaneq nutaanillu eqqarsalerneq annertuneq tunngavilersorneqarluartorlu piulertarluni. Massakut ph.d.-liorluni naammassinikoq nunaqqaterput atorluarneqartorujussuusoq ilisimavara, taassumalli naammassisaa kisimi naammanngilaq. Amerlasuunik taamaattunik pisariaqartitseqaagut, pitsaanerpaamik siunissarput isikkulerniarutsigu.

§37 naapertorlugu apeqquteqaatigisanni erserpoq taamatut ilinniakkamik aallartitsiniaraanni (tal) kr-inik akeqassasoq, aammalu paasivara studieordning inaarsarneqalereersoq, politikikkulli uagut akuerinninnissarput amigaatigineqarpoq. Taamaammat kissaatiginaqaaq una suliaq aallartereersimaneqartoq uagutsinnit aningaasaliiffiginninnissaq akuersarneqassasoq, ukiullu marluk nittartameeqqaartinnagu sukkanerpaamik aallartissasoq akuersaassagipput.

Imaqarluartumik tunngavilersorluartumillu oqallittoqarnissaanik kissaassillunga, meerartattalu siunissaat qaamanerusoq ornikkusullugu oqallilluarisi.

Qujanaq.

Pisortanut aningaasatigut allaffissornikkullu kingunerisassai:

Ilmasaarutigineqartutut ilinniakkap aallartinneqarnissaanut pilersaarusiornernut AC-fuldmægtigip ukiuni pingasuni sulinissaa pisariaqartinneqassaaq, tamannalu 1,5 mio. Kr. naleqassalluni.

Namminersortunut aningaasaatigut allaffissornikkullu kingunerisassai:

Soqanngilaq.

Innuttaasunut aningaasatigut allaffissornikkullu kingunerisassai:

Soqanngilaq.